

等集衆德三昧經卷上

頌

西晉月氏三藏竺法護譯

聞如是一時佛遊於維耶離大樹重
閣精舍與大比丘衆俱比丘一萬皆
學戒具足曉了聖達菩薩二万悉不
退轉逮諸提持辯才无碍悉得神通
分別解暢定意所行心性進止而甚
堅強懷來智慧善權方便度於彼岸
其名曰意行菩薩吉意菩薩上意菩
薩持意菩薩增意菩薩金剛意菩薩
無限意菩薩法意菩薩慈氏菩薩薄
首菩薩鈎璫菩薩釋梵四王天及諸
天子万四千人亦皆來會
尔時世尊與無央數百千之衆眷屬
圍繞而為說經欲放軀命自期三月
當取滅度鈎璫菩薩即從坐起更整
衣服偏袒右肩長跪叉手而白佛言
甚哉如來欲捨壽命期於三月當般
泥洹世尊唯說諸菩薩護菩薩救攝
菩薩所說菩薩所現菩薩所殖衆德
之本不斷佛教將濟法眼恩惠聖衆
不捨群生為講說法起無為道如來

○等集衆德三昧經

滅後法澤廣被菩薩大士不廢無上
正真之道常不離佛聽經供僧而
立要志心意堅固遵法散誼其念所
趣靡不覺達體解所歸多所殊越恒
懷慙耻自淨無犯而慮慷慨威儀具
足所建勇猛降制勞穢伏諸欲垢无
所畏憚遊於衆會而不忘難毛衣不
堅唯天中天云何菩薩大士進益衆
德不乏智慧不違禪定所慕道心未
嘗鼓廢內性弘毅結友究竟至于滅
度言行相副所遵佛法无有邪偽常
護正戒所聞不惑攝淨三禁而尚忍
辱每行等心無有暴慢向於黎元善
修精進心无懈廢諸所應行一切成
辦一心行禪其意安詳曉了正受一
切所奏志建智慧離于邪見六十二
疑於諸訓典明練光達所當救納
而行四恩弘濟多護天上世間遠離
所樂常念無常心如門閭住諸通慧
意不存慕聲聞緣覺光闡法教降制
魔怨及諸外道念宣法王所講風化
崇順法誨不求天人如佛之教以法
為業不貪衣食无有愛欲廣度一切

釋除患恨愍哀群生消却愚癡不一
切法諸魔埃垢行權方便无邊之慧
部分普勸
佛告鄒羅延 舊名鈎璫力士 菩薩曰
善哉善哉我所哀念多所安隱傷慙
諸天世間人民乃問如來如斯之誼
諦聽諦聽善思念之當為仁說菩薩
大士所行殊特無量之德鈎璫白佛
願樂欲聞鈎璫菩薩及與衆會受教
而聽佛言有三昧名等集衆德假使
菩薩逮斯定者衆德進益不乏智慧
不違禪定所慕道心未曾闕廢心性
弘毅未曾離佛恒聞經法供養聖衆
行于四恩彼如是已不捨群生於時
世尊咨嗟等集衆德三昧宣揚其名
默然無言
是時維耶離大城中有大力士名維
摩羅墮移 舊名離垢心自念言吾
為力士於斯天下力勢強盛无有倫
匹曾聞沙門瞿曇猛勢無量其力巍
巍提要有十體諸骨解猶如鈎璫而
得自在吾欲往試觀銓其道於我孰
踰念已尋出維耶離城往詣大樹重

華嚴經卷上 第四十

閻精舍欲觀世尊而見如來與元央數百千之衆眷屬圍繞而為說經臨大會猶如須弥起現大海瞻觀威容神曜光光心懷踊躍不能自勝稽首佛足却坐一面佛知力士心之所念欲為療除憍慢貢高自用之穢便告賢者大目犍連吾憶往昔為菩薩時兄弟挽射彎弓放箭箭所至處今撮取釋女瞿夷欲充所用目連對曰唯然世尊於時不見箭何所奏佛放右掌光光照三千大千世界於斯佛土鎮世鐵山太鐵圖山箭徹其中目連尋光乃見箭處佛告目連寧見箭乎對曰已見又而告曰往取箭來時目犍連自現神足一切衆會莫不見者如勇猛士屈申辟頃斯須即到太鐵圖山欲拔佛箭三千大千世界皆為震動而箭不搖一切諸會天龍鬼神帝釋梵王靡不肅驚阿難整服長跪問佛地何故動普世惶悸佛告阿難憶吾往古挽射放箭箭徹太山使目連取盡其神力箭不可拔三千大千世界乃為之動而不能得阿難答

華嚴經卷上 第四十一

日唯垂尊授佛即許之授以道力則承聖旨攬拔得箭還用進佛目連白佛云何世尊為菩薩時挽射放箭箭徹鐵山用父母力神足力乎佛告之曰是父母力非神力也假用神力其箭當達元量無限諸佛世界目連又曰云何菩薩以父母力射箭乃入鐵圖太山道力功德而佐攝取何以為喻佛告目連十凡象力則不如一正象之力十正象力不如一龍象力十龍象力不如一大象力十大象力不如一術事象力十術事象力不如一青象力十青象力不如一普妙象力百普妙象力不如一大巨象力百大巨象力不如一力士力百力士力不如一大力士力百力士力不如半鉤鐔力士力百半鉤鐔力士力不如一具足力士力百具足力士力不如一大鉤鐔力士力百大鉤鐔力士力不如一法忍菩薩力百法忍菩薩力不如一究竟菩薩力百究竟菩薩力不如一生補處菩薩功德之力適生墮地則

華嚴經卷上 第四十二

行七步佛言目連他方世界現在諸佛建立倫土究竟菩薩之所遊處適生墮地行七步者其地下至六百八十萬由延盡斯下已乃得水界各各分別其水滸如車釐上至梵天承佛威神愍哀衆生世界不損無所燒害究竟菩薩威神勢力巍巍如是十究竟菩薩力不如如來至真等正覺力是謂世尊父母之力其諸菩薩宿命德本所受之失亦非神足道力變化設使菩薩示現神變功德之力往詣道場坐佛樹下以神足之力一足指舉江河沙等世界先以前用置殊異無量無限諸佛國土其於衆生无所燒害是為菩薩神德變化足一指力如來神足變化之力復過於無量無極不可思議假令如來普具示現神變威力汝等觀之則不能信何況外術衆邪異學又目犍連菩薩往至佛樹下時攝四大種立為一種已立一種在於世界无有增減於時弊魔行到道場與無數億百千官屬覓停難當如來一切尋摧伏之何以為

一謂平等力有十力常加大慈哀諸衆生無所毀觸何等十力有非處處有限無限如審悉知過去來今如審悉知一心脫門定意正受如審悉知見諸人根種種別異如審悉知見他群生心意所念如審悉知若干種身無數形體如審悉知衆庶所行所行者好醜不同如審悉知道眼徹觀終始所趣此沒生彼彼沒生此名字種姓父母兄弟其身口意行惡誹謗聖賢邪見顛倒終墮惡趣其身口意行善不謗聖賢正見奉順終墮善處如審悉知道耳洞聽天世間地獄餓鬼窮飛蠕動蚊行喘息十方諸佛世界若此言聲亦無音響亦无所著如審悉知心觀五趣一切本際諸漏已盡無有塵垢終始悉斷神真聖達解名色原如審悉知是為十力如來之力復過於此不可思議暢徹十方无去來今於是離垢威力士從佛世尊聞斯菩薩父母諸力歡喜踊躍恠未曾有善心生焉即從座起偏袒右肩長跪叉手白佛言今我聽受世尊所說

為菩薩時父母之力及十種力屏除貢高憍慢自大崢嶸命三寶願發無上正真道意愍傷衆生使獲大安哀令我得十種諸力如天中天具足无異時會大衆聞斯力士捨願弘廣滿十千人發無上正真道意同時舉聲而歌頌曰僥令我等速得道力亦如如來至真等正覺

於是鈎鐸菩薩白世尊曰今者大聖何故稱歎等集衆德三昧而便默然唯願如來分別講演等集衆德定意宣暢菩薩大士諸行使發意者速得斯定佛告力士菩薩初發意者欲至无上正真之道當受尊定所以者何若初發意受持尊定尋具普入一切衆德譬如力士川流泉源江河大流悲歸于海所殖功德布施持戒所習平等思惟道慧有漏無漏俗業度世天上人中而立福祿皆未歸湊於初發意菩薩之行是故族姓子族姓女欲攝衆福當發無上正真道意譬如須弥大山鐵圍山雪山黑山諸藥草木及餘藥林洲域大邦郡國縣邑并四

天下日月運照苞在三十大千世界如是力士其凡處履跡无著緣覺休枯菩薩如來大聖之德其初發意為菩薩者悉得通入於此福祿以是之故當作斯觀若發无上正真道意則悉該攬於諸德矣

佛告力士譬如四域群生之類轉輪聖王居為尊上切作殊勝使四天下衆庶人民福如轉輪聖王之德等無差異合集斯福巍巍之德為一聖王使三千大千世界衆生之德各各皆如轉輪聖王一一聖王使信三千大千世界衆生之數惣集諸福為一人德使江河沙等諸佛世界所有人民各各履作如彼一人於鈎鐸意云何寧能限量斯福德乎鈎鐸對曰唯天中天計聖王德不可思議何況一切為轉輪德莫能稱限世尊告曰正使撰合此衆生德无量之祿以比一發意菩薩百倍千倍万倍億倍巨億万倍計空不及無以為喻是為初發意菩薩等集衆德三昧第一所入佛告鈎鐸辟諸梵天於千世界悉樂行慈若復有

等集衆德三昧經卷二 第十頌 頌

人皆以七寶滿千世界以用布施比
十世界梵天行慈行慈之福其德殊
勝若三千世界至于五千十千若至
百千世界梵天普共行慈若以七寶
周遍充滿百千世界以用布施所殖
德祚以比百千世界梵天行慈行慈
福多不可稱限正使三千大千世界
衆生之疇其福德如百千世界梵天
行慈行慈心普向于群萌計其福德
比初發意行者所尊慈祚百倍千倍
万倍億倍巨億万倍計空不及元以
為喻所以者何其初發意志於無上
正真道者德不可限以是之故當作
是見當作是知假使能發大道意者
則為具足一切衆德若族姓子族姓
女欲得周滿无量之祚當發无上正
真道意佛言力士是為等集衆德定
意第二所入

等集衆德三昧經卷二 第十頌 頌

祚功德起彼無量轉加具足為衆生
故以諸道德特護其心以大精進成
滿所行假使有人於此三千大千世
界下盡水際上至三十三天滿中芥
子一芥子為一佛國過於東方若
千佛上著一芥子各各如是令芥子
盡不能窮極東方世界設令江河沙
等世界滿中芥子有人盡取芥子一
一破碎各如江河沙數芥子之限於
鈎鐻意云何寧有人能籌計分別知
所破碎芥子數乎鈎鐻答曰唯天中
天破一芥子所分之限假使智慧如
舍利弗周滿天下閻浮提上一劫之
中籌之計之不能稱量芥子之數何
况欲知江河沙等世界破芥子數設
今有人過諸芥子佛土著一芥子如
是之比令破芥子悉盡元餘東方世
界不可窮極得其所邊際南方西方北
方東南方西南方西北方東北方上
方下方亦復如是如是鈎鐻如十方
世界所有虛空諸佛國土皆以七寶遍
布其中悉令充滿盡用布施所得功
德豈多不乎鈎鐻白佛甚多甚多天

等集衆德三昧經卷二 第十頌 頌

中天無量也世尊告曰其初發意菩
薩行慈之德過於彼施滿于東方无
限世界七寶之福百倍千倍万倍億
倍巨億万倍計空不及無以為喻譬
如虛空无有能度得邊際者菩薩之
慈猶如虛空無所不覆菩薩如是所
行大慈所蓋无際譬如衆生受形立
體所周佛土所在世界若干之數菩
薩行慈使此群萌皆得成就為轉輪
王具足功德如釋如梵踐祚之數又
計菩薩大士建立淨性質直无諂欲
度衆生住於大哀常行慈愍所行七
步攝取功勳起諸群黎為釋為梵轉
輪聖王之福慶也百倍千倍万倍億
倍巨億万倍計空不及無以為喻是
謂等集衆德定意第三所入

佛告鈎鐻三千大千世界一切衆生
威神功德皆令巍巍如轉輪王如釋
如梵功德之慶不比初發意菩薩之
慈正使一切十方衆生皆為釋梵轉
輪聖王百千万倍不比菩薩行大慈
哀又使三千大千世界衆生之疇一
切皆使如清信士所有功德比舍利

弗福慧之明百倍千倍百倍億倍巨
億萬倍不相及逮正使三千大千世
界滿中人衆如舍利弗智慧功德等
无有異以方比於緣覺智慧功德百
倍千倍百倍億倍巨億百倍計空不
及無以為喻縱使三千大千世界遊
居衆生一切成具緣覺之德智慧功
德等无老特欲比五劫生行菩薩百
倍千倍百倍億倍巨億百倍計空不
及無以為喻是為等集衆德定意第
四所入

說是經時二万二千人皆發無上正
真道意三千大千世界六反震動其
大光明普照世間億百千娑諸天伎
樂不鼓自鳴而雨天花覆蓋道場紛
葩佛上周遍衆會積至于膝釋梵四
天天王龍鬼神皆誦歎言唯然世尊
族姓子族姓女心懷至誠而發无上
正真道意如向大聖所講說者我等
稟誼假使不發大道意者終不逮成
等集衆德定意正受况當能致一切
功祚無量也
是時離垢威力士白佛言唯然世尊

當行何法而能成就逮得等集衆德
之定乎佛告族姓子有一法修致斯
定何謂一發心調習諸通之慧是為
一法逮得斯定復有二法修獲斯定
何謂二若聽聞法誥稟无厭如所聽
受思察其誼是為二復有三法修獲
斯定何謂為三消損諸惡勸集善業
殖衆德本是為三復有四法修獲斯
定何謂四禁戒清淨所見清淨其心
清淨智慧清淨是為四復有五法修
獲斯定何謂五所言至誠志性堅固
其意質朴而無諛諂其心清淨建立
無差常以等心一切衆生是為五復
有六法修獲斯定何謂六歸附善友
遠離惡友捨廢衆會習寂無坐順行
大慈愍傷衆生是為六復有七法修
獲斯定何謂七建立寂然分別作觀
除于報應將御緣起離求所見曉了
罪福患由牽連道利結導使至平等
入于道誼用道法故忍於惠罵而元
恨心是為七復有八法修獲斯定何
謂八身行澹泊口言靜默心惟寂寞
觀痛痒察諸法惡本未起而不思念

今不復興惡本威發隨念斷除善本
未起思順令滋善本熙隆將養護之
是為八復有九法修獲斯定何謂九
觀過去法而知無常於當來法而无
所生今現在法而无有二逮入三世
而志平等一切諸法猶如法忍不著
於空分別無想離於所願設使所生
有所救護是為九復有十法修獲斯
定何謂十脫於無我忍於无命了於
无人無常句跡一切所生皆為苦患
無為寂然則為救護離顛倒度衆生
順典誥如所聞法尋即奉行佛告離
垢威是為十法菩薩所行因此逮得
等集衆德三昧之定離垢威白佛言
菩薩大士積累功効无極大德乃得
逮聞斯定意耳欲使諸德正真之行
當聞斯定欲得獲暢不可思議功祚
之福當聞斯定欲令大願無有盡耗
當學斯定離垢威復白佛言菩薩大
士以何療得无盡之福德如大海慶
不可議功祚不廢佛告離垢威菩薩
有三事逮無盡福德如大海慶難思
議功祚不廢何謂三一曰好喜布施

等集衆德三昧經卷上 第十一誡 誡
二曰護持禁戒三日博聞不倦是為

三彼族姓子何謂菩薩好意布施不當貪財不當以物誘進教化假使有物不肯施與受者不當受其物也設使受者不捨所取不當勸御彼等眷屬設使乞者有所求索發无受心不可勸化國王財寶資產之業屋宇舍宅假使乞者有所求索其心无異又族姓子菩薩大士當發此心我為一切衆生之故惠施軀命若有人求欲有所得象馬車服頭目髓腦眼耳鼻口支體手足肌駿肉血隨其所求各各施與心不懷恨忍辱施與既有所施不望其報所可惠捨無所貪慕供給衆生衆生獲恩得給所乏從是已往所欲攝取群萌之類得佛道時為說經法令得速解設族姓子若有菩薩發心如是是謂菩薩不惜身命不惜身命若沒其體不犯衆惡不害生命以養其身不以命故犯於不善不以財業越毀他人不以眷屬熾盛怨訟聞諍不危他子以育妻息已所不意無加於人已知止足則發一心志不

等集衆德三昧經卷上 第十二誡 誡
意樂諸不善事況當復犯若干之非

除貪嫉棄衆惡常知止足行於正真無有異心則逮平等逮平等已无有衆邪則獲慈心已習慈心便遇善友已得善友則便得聞寂然之法已聞寂然便建立行已建立行則化衆生化衆生已則便講說立寂然誼假使菩薩不為衆生不修寂然則不微妙已不微妙不獲道眼不得道眼不至善摧不能觀見一切衆生根本所趣是族姓子菩薩好意行布施者得廣名聞復過於斯不可稱限復次族姓子觀内外法念之一等察其內地及省外地而无有二所以者何是身如草木凡石之類無要无人無有想念元有堅固四大合成假令有人斷截破壞取撥持去不得自在莫起想念勿得貪身無惜壽命吾不恨彼於其所起意也益加慈哀向彼衆生譬如族姓子有大藥樹掘取其根莖節枝葉花實樹不念誰取我根莖枝葉花實亦不念言莫取我根莖枝葉花實其藥樹者一切元念

等集衆德三昧經卷上 第十三誡 誡
亦無所想亦於衆人無所悲恨其疾

病者服藥則愈如是族姓子行菩薩者當自觀身四大為家猶如藥樹其有衆生欲得我身頭眼體節枝幹手足髓腦血肉恣意與之如是族姓子菩薩所施其德无盡作是施已為慳貪者欲令惠施故勸助之其貧窮者化示大財其少福者化具足德未發道意令行菩薩勸誨善本欲令清淨一切福慶勸化衆生導以清淨以是布施疾近於道得至無盡何謂布施盡菩薩布施有四事盡何謂四不好勸助不意說法願生卑賤樂近惡友是為四復有四行菩薩布施疾近於道何謂四多所勸助行權方便建立於法習近善友是為四復有三法菩薩布施不為虛妄何等為三發菩薩意多所慰哀攝護一切衆生之類諱奉行如來教命是為三菩薩欲施當建三法何謂三住佛法立精講勸衆生便存大安是為三菩薩復有二事不為虛妄誠審布施何謂二大慈大哀是為二菩薩復有二事有所取施

何謂二慳貪嫉妬是為二菩薩復有二法布施有所歸何謂二智慧具足聖達周滿是為二菩薩復有二法布施有所趣何謂二至无盡慧趣無起慧是為二菩薩所施有四法何謂四布施等與亦不想報調定安寂所施具足欲成其道是為四菩薩所施以是之故自然得趣無盡德海若有菩薩欲徧海德則當習行如是像施精進之行離垢威力士白世尊曰未曾有也天中天如今如來分別講說諸菩薩法諸佛經典之所持護菩薩大士作是行者終不毀失正達慧德假使有人如是布施功德之福具足成滿亦當若茲佛言是族姓子審如所云其有發意行施如斯則便趣無盡海德則不貧匱於聖賢業則致大財此之等類具足法財則致大富具足七寶無極之德致百福相以莊嚴身為諸群萌福慶之田以給衆生

尔時世尊告離垢威何謂菩薩戒德之禁護於禁戒未曾違捨見犯戒者為興悲哀見奉禁者遵行堅固淨身

三護口四淨心三當順奉行此十善事以斯戒法開化他人不自稱歎不毀他人不以禁戒而自哀譽亦不以戒而自憐憫常以禁戒而自調定不釋節限而知止足住於聖賢自護其心見懈廢者不觀其隙勞來病瘦所施不倦無所怖望不以究竟行如所言无所侵犯於諸所行生死之事無所適莫測所求望常近於佛而遵慈心若有行慈及无慈者普等救護不失其心不著戒品不志餘乘以斯道乘勸發他人無有安不事于天一切遠離諸犯戒禁動不安者勸慰使安際除狐疑今不懷恨所生之慶而得自在而无適莫所可遊至無所闕減假使所生不以為厭修建精進攝心自檢所行不亂學无所樂亦無所畏是族姓子菩薩所行戒品之業設危身命終不毀戒不以國故而護禁戒不為釋梵天上之尊不以財利報應之驗故及以眷屬做貴顏貌褒歎名稱亦復不為勢力牀椅座具病瘦醫藥故而護禁戒不倚於天貪所生不

依内外不慕他人不冀後世不自著已不著他人亦不貪色痛痒思想生死識亦不怙眼耳鼻口身心亦復不倚陰種諸入而護禁戒不畏地獄而求濟護不憚畜生不懼餓鬼不為鬼神不以人間窮乏厄匱故而護禁戒志唯在於建立佛道若聞法者念欲奉行則已効立聖衆之德常欲度脫除生老死憂病惱勤苦之患而護禁戒不以財業而護禁戒欲安衆生隱群萌度黎庶脫黏蠶樂佛法致老特慕轉法輪將養聖衆不斷佛教不廢法誨不懷衆議而護禁戒也戒定慧解度知見品故而護禁戒應尋神通六達之故也所遵之戒不犯不歎不毀無有邪業順佛之教无所亡失而當平等順行三昧智者所歎佛所咨嗟無所乖違隨法所化奉行為要其人如是遵常戒品而悲具足不失菩薩十法之事何謂十然後當得轉輪聖王之位終不著錯修聖王教奉宣佛道而不放逸臨擢帝釋而不違逆常受佛道而不放逸昇生梵天而不

華集東傳卷上 第二十卷

詭異在于梵天願欲見佛而不老示
常值世尊心懷悅豫所聞經典未曾
斷絕聽受佛法未曾中忘如所聞者
即能奉行識念菩薩聖衆之慧元所
亡失辯才無量未曾空乏菩薩之本
所願者得所立之事則有報應常為
諸佛正士之等不見毀訾其佛弟子
疾獲神通具諸敏慧護於戒禁能如
是者是為菩薩十法之行不退不轉
菩薩大士護斯戒品諸天龍神所共
營衛將護歌歎守禁戒者諸鬼神衆悉
歸奉事神龍悉敬世間人民等而供
順諸佛世尊常欲見之諸明智者而
俱宗仰慰傷世間而行慈心而為衆
生護斯禁戒於是菩薩不歸四趣何
等四不歸於據无闕之處亦不歸於無
佛之土不生邪見歸闍塞家亦不隨
歸一切惡趣菩薩若護於戒品者速
獲斯德復有四法無所忘失何等四
不忘佛道心不捨佛如所聞法終不
中廢不失禪定意念無數無量諸切
菩薩若護於此戒品便速斯德菩薩
復有四法速得光觀何謂四尋時速

華集東傳卷上 第二十卷

得觀於明法獲致人明毒刀恐懼疾
病闇冥之想悉為辟除諸功德无能
亂者是為四

假使菩薩能護禁戒順斯教者起度
十畏何謂十遠離地獄畜生餓鬼貧
匱无稱世界魔畏聲聞緣覺所趣寂
滅所受脫生諸天人間及龍鬼神捷
沓惹阿須倫真陀羅摩休勒諸所恐
難毒刀杖火蛇蛇師子虎狼諸難度
于邪見能護戒品如是行者菩薩之
法是為十勉越斯難又族姓子戒立
佛法以為光明佛法則立於戒菩薩
之道若能奉戒則近定意緣從禁戒
得至智慧解脫之行度知見事何謂
為戒皆能永脫一切塵勞何謂塵勞
罪福所連三界所著斯則塵勞當以
何度此諸塵勞無念无想無思无住
而無所行无所興立亦無所惟於一
切法而無所求斯則名曰度諸塵勞
若族姓子菩薩大士未達塵勞則
為无有清淨戒品所以者何正使往
至於梵天者自以欲塵假令上至
三十三天亦為欲塵以是之故族姓

華集東傳卷上 第二十一卷

子當作斯觀處三界者則為無有清
淨戒品離垢威白佛言設在三界悉
塵勞者而世尊云則為不順清淨戒品
云何菩薩離於欲塵速清淨戒住於
三界而不沾汙世尊告曰族姓子知
乎為菩薩者無身塵勞亦无毀戒亦
無所住見衆庶人著於三界故則為
犯戒是菩薩以二事故行善摧法欲
除三垢故處三界善權方便菩薩大
士自无塵勞現在三界欲以開化群
萌之類辟離垢威而有男子盡於虛
空若書文字現之悲現寧為難不答
曰甚難天中天佛言菩薩所興又難
於彼自無塵勞現于三界開化衆生
時離垢威而歎頌曰
唯天中天 菩薩所興 具足元極
而行大悲 已現脫門 轉復及入
所有城郭 教授衆生 星尋之網
辟如有人 身生疾病 療除危害
非他人也 等無有異 如是世尊
今日去宮 近世清淨 於道菩薩
因此解脫 以是之故 勸化衆生
及諸異學 由斯方便 救濟衆生

唯天中天 菩薩大士 發大悲心
聲聞緣覺 所不能及 所以者何
聲聞緣覺 元有大悲 善摧方便
具足之行
等集衆德三昧經卷上

壬寅歲高麗國大藏都監奉
勅彫造

等集衆德三昧經卷中

類

西晉月氏三藏生法護譯

尔時世尊復告離垢威力士言族姓
子菩薩若聞如此行跡當勤奉行云
何求聞熏聽尊長常行恭敬棄捐憍
慢言語柔和志性仁調觀念於法猶
如醫藥於師和上設世尊想自察其
身思撰法華發誓王想於諸衆生為
疾病想若務求法不當愛身不貪命
不倚壽不慕於客被服常好經典以
法為本一切所有施而不恆忘利法
誼放忽財利將護法寶離俗所環以
利法故滅除一切世間財賄以法寶
利蠲除凡俗所慕之環欲除衆生塵
勞愛欲一切之瑕常當慕求正法之
典欲度一切衆生之類皆至滅度使
當護持導以正法以能導護正法典
者則能普獲將養一切所行德本以
是之故假使有人欲求佛道若欲速
成取正覺者欲得堅立於法柱者當
學博聞辟如族姓子須弥山王為天
大柱若天上柱則為巍巍多所覆蓋

所在嚴飾於切利天佛言如是菩薩
大士博覽廣聞則為慧柱所可遊居
天上世間光色巍巍設族姓子若有
菩薩志願佛道我當成佛則當曉了
摧便博聞常修精進一切衆生在於
邪智則為然設智慧燈明假使菩薩
入博聞時精勤求慧則為具足衆生
之智所作已辦尔時諸天則為其
人舉聲咨歎歡喜善心生焉今此正
士如是誼像博聞之力逮十種力致
最正覺諸根明達如是利誼為菩薩
行執智慧刀割截一切塵勞之欲若
有菩薩如是像誼堪任明慧所說經
法則能蠲除衆生塵勞危厄若有菩
薩如是像誼便能說法滅除愛欲如
是菩薩則能歸趣往古世尊所可遊
居如是誼像則能降伏魔及官屬如
是堪任以十二事法輪為轉如族姓
子菩薩大士精勤博聞立於聖達應
時即普三千大千世界所有衆魔皆
為憂愁慙感難可令此菩薩不從我
教違吾本心皆見棄捐不得自由所
以昔何族姓子從聞獲智智於塵勞

等集東德三昧經卷中 第三十 頌

為寂尊其無塵欲魔不得便以是之
故當作斯觀假使菩薩開入博聞分
別經典好樂於法從是已往所可教
授降制衆魔塵欲魔陰蓋魔起滅魔
天魔官屬是為四魔自然為伏又族
姓子猶如往古諸菩薩者所入博聞
分別法誼好樂經典今當粗舉略說
其要乃至曩昔久遠世時無央數劫
不可稱限廣普无量不可思議彼時
劫中有一仙人名曰鬱怛處在林樹
得五神通常行等心慈悲喜護遊居
幽藪心自念言吾行慈心其身柔濡
常悅安隱不可以慈滅除衆生自在
愛欲亦不可去瞋恚愚癡曠絕遶路
塵勞之欲不以此慈能致聖賢之正
見也不可致福安能速成賢聖等觀
復自念言常以二事可緣致賢聖正
見何謂二聽省他音因緣思惟靜志
在行尋即歡喜發大精進亦復入于
法我於何所得聞是說則以法故欲
求經典入於郡國縣邑丘聚欲求經
卷永不可聞時魔天人往至其所言
族姓子吾有佛名將護讀誦假族姓

等集東德三昧經卷中 第四十 頌

子自逼迫身日自暴多自聞其身所
護音聲然後乃書如是諸頌余乃令
仁得聞此頌四句之絕於時族姓子
鬱怛仙士心自念言我從無數難限
劫來棄捐此身樂於牢獄搥杖鞭撻
或以利刀段段解身形體離散肌肉
斷絕以愛欲故致得繫縛連是衆患
不可稱數不用此身不用危痛痒未
曾以身加益一切假使能已導利群
生吾當以此無堅固身求得經典我
獲善利心懷悅豫當從天人速得聞
典志未曾有興世尊心而懷恭恪則
取利刀自割其身日中自炙從耳聽
聞而謂天言願天演說佛名將護讀
誦吾恭敬法故放捨身不惜壽命以
是因緣等集所聞時族姓子觀見上
仙恭恪樂法巍巍如是顏色黢黢懽
悴功德難觀即沒不現於是上仙心
自念言將無誠吾聞此偈乎為之恭
敬奉順法故自捨其身不惜壽命得
聞之耶吾所合集恭敬經典所殖德
本不失其功不見欺惑假使我身至
誠不虛質直無諂愆衆生不貪身

等集東德三昧經卷中 第五十 頌

命捨其體壽聞此法者由是誠諦於
此現世他方佛國奉修法者斯等之
人令現面像使我見之得聞經法
這立此頌口復說言應時下方過
三十二諸佛國土有世界名普等離
垢彼佛号曰无垢稱王如來至真等
正覺今現在說法於時其佛即見上
仙心之所念又欲教化問浮提人辟
如勇士屈申辟頌彼佛如是斯須之
頃從已佛土忽然不現即住止于上
仙之前及與菩薩五百俱其如來這
現世間自然大光普有所照而取天
花億百千伎樂不鼓自鳴諸菩薩會
于彼林藪於時嚴樹一切根株莖節
枝葉華實皆出法音上勝仙士適聞
彼佛見其形像心無所畏即時其體
平復如故无有創疣於是族姓子上
仙見無垢稱王如來至真等正覺相
好巍巍猶須弥山威神光明踰於日
月神妙聖達為天人尊諸根寂定若
虛空不增不减歡喜踊躍善心顯發
即從坐起更整衣服偏袒右肩右膝
著地叉手白佛是我世尊安住大聖

我歸命佛及法聖衆唯佛世尊為我說法若聞經者建立奉行蠲除衆生所貪受行興于正見而說經典時族姓子彼無垢穢王如來至真等正覺緣仙士故為諸天子及諸菩薩分別說此等集衆德三昧之定於衆會中八千天子往古造行修治誼理即速法忍上勝仙士聞是三昧踊躍歡喜入於微妙尋時逮得無盡辯才時彼如來說八章句又復攝取何等為八一切諸法皆為本淨從想者致原自然淨也諸法無漏一切諸漏皆為盡故也諸法无著皆度一切諸所著故也諸法不虛亦無有明吾我及人平等一切諸法門故也諸法何門普現一切諸法門故也諸法無來亦无往也諸法懷來斷除一切諸所趣故也諸法平等於三世無去來今故也而无有二是為上勝八章句說一切啓度厭諸所有無有衆患

佛告上勝仙士有八門句至无有二何謂八諸法假号倚名故也諸法像色猶從名興故也諸法合會依著字

故也諸法識自由恣故也諸法自然則以無明自然故也諸法為盡習行愚故也諸法无處立於門者住無常故也諸法平等以一精進趣於門故也是為上勝八句門也本无有二而致於二

佛告上勝復有八精進句至无有盡而得自在何謂八無者修精進事勸助咒願所修經典為現无虞彼者行精進句便能示現究竟法誼不者遵精進句為除名色為示現法所說經法志令蠲除他者奉于精進現寂然法六者志于精進講說經法超度一切諸所望尋無本者念精進句為現如來无本之法因者精進為現一切緣法罪福為盡等者精進三昧示現諸法分別所趣是為上勝八精進句无盡辯才

佛告上勝復有八法為妙法句覺了諸法為志平等何謂八空為印句而无所倚而為現法无想印句無所建立而現經典无願印句不依不倚不著不求而為現法本際印句為本空

句而等御之為現經典法界印句等御諸法而為本現無本印句現入諸法猶如印句蠲除去來今所本現法滅盡印句究竟滅盡永除諸法之所本現是為上勝八印句也皆悉分別平等諸法而得成就

是故於斯上勝自在之句及所問句精進句并諸印句常當安詳順行其句而精進學如是族姓子於彼无垢稱王分別所問於此遺智至彼世界及餘菩薩五千億百千娑菩薩斯須之間如發意須自還佛土雖還本土無去无來其土人民不見如來為去為來於是族姓子上勝仙士獲無盡辯意不疑妄亦无所失得為諸天之所擁護救護諸天降伏衆魔及外異道行入郡國縣邑州域大邦為一切人講說經法分別演斯等集衆德三昧具足千歲宣現此典開化八万四千群萌之類住於聲聞發起八万四千衆生志於緣覺八万四千梨底皆發無上正真道意勸助八万四千蒸民後志當為轉輪聖王八万四千建

華嚴經疏卷中 第九張 類
 立帝釋梵天慈悲喜護無央數人得
 生天上上勝仙士至于末後仙沒之
 時生於無垢稱王如來至真正覺之
 土在於普等无垢世界與万四千元
 子俱佛言族姓子欲知尔時上勝仙
 士為異人乎勿造斯觀所以者何則
 吾是也吾以至誠建立心願即致下
 方所在世界無垢稱王如來至
 以是之故族姓子當作是觀於樂法
 菩薩如來未曾取滅度正法之教亦
 无滅盡其好樂法為菩薩者他方世
 界諸佛世尊則現目前樂法菩薩若
 在巖處若在樹下獨閑居者若中間
 坐即時得見受持門置于手掌若
 現械上若在頭上若在頂上近而不
 遠樂法菩薩已為曾見過去諸佛又
 諸天人發其辯才亦復從受辯才之
 慧樂法菩薩於此經典无有窮盡諸
 佛世尊及諸天人不奪其願道所建
 立猶得自在欲得住立百歲千歲一
 劫過劫亦得由已樂法菩薩除老病
 死興發其心其意所在堅強久固御
 於大智辯才之慧樂法菩薩未曾發

華嚴經疏卷中 第十張 類
 意犯於他人以是之故離垢威聞斯
 博聞所積行者遵奉精進便當逮獲
 於此名德當復過是復倍無數若有
 菩薩欲得獲致福藏德普慶元終既
 祿無窮已菩薩所厚功祚无量不可
 稱限无能盡極其邊際者離垢威知
 其大海水尚可數滌測知限量得
 其底泥菩薩所興三事戒聞施惠不
 可勝限得其邊際三千大千世界尚
 可稱量知其銖兩盡其邊際欲盡菩
 薩所興三事戒聞施道不可限量是
 為族姓子三事行品三事之中博聞
 為尊為勝為長為無疇疇如須弥
 山王持戒施惠猶如芥子在須弥山
 側當觀博聞則須弥山王也譬如飛
 鳥翱翔虚空足影所翳寧幾如手持
 戒施惠猶如斯也譬如虚空印普无
 際博聞之德其若茲矣所以者何族
 姓子施有二益離貧匱得大富戒有
 二益度惡趣生昇天間有二益得聖
 慧除邪疑其布施者不離諸漏所受
 之陰其持戒者所受諸陰亦與漏俱
 其博聞者無有諸漏亦不受陰以是

華嚴經疏卷中 第十一張 類
 之故離垢威斯謂菩薩博聞之應佛
 說施戒博聞之時三万二千群生殖
 衆德本皆發元上正真道德五百比
 丘漏盡意解得法眼淨
 於是離垢威力士白佛言菩薩幾法
 行疾得不起法忍佛言族姓子菩薩
 有四法行疾得不起法忍何謂四一
 觀身如影而得解脫二入於諸法如
 呼聲響應曉了其心猶如幻化察一切
 法皆歸盡滅是為四菩薩疾得不起
 法忍復有四法何謂四普修忍慈如
 諸衆生設使學者起於人想勸使曉
 解一切諸法今知盡无不造有事普
 皆觀見諸佛之法不以肉眼亦非天
 眼亦非法眼无所依倚分明曉了心
 之所入亦無有心亦不見心亦无緣
 會是為四復有四何謂四一切所有
 施而不恡索捐邪見奉清淨禁寂除
 塵勞是為四復有四何謂四遵忍辱
 力入于諸法悉知盡索而崇精進好
 澹泊法是為四復有四何謂四逮得
 禪定則無所倚察於智慧亦不輕戲
 攝摧方便不著衆生皆具所行入元

等倫是為四復有四何謂四常行大慈導利衆生具足大悲不厭終始行于大喜欣樂於法行于大護除諸倚著是為四復有四何謂四證明部分於三脫門除諸三世過去來今起度三界觀一切法本淨無穢佛言離垢威是為四法行菩薩大士疾得不起法忍

佛說此時離垢威菩薩速得不起法忍歡喜踊躍昇虛空去地四丈九尺三千大千世界六及震動其大光明普照世界而雨天花百千伎樂不鼓自鳴於時世尊知離垢威菩薩所念尋時欣笑五色光從口出照於十方無數佛國還繞三匝從頂上入賢者阿難即從坐起更整衣服偏袒右肩右膝著地叉手白佛以偈讚曰得真淨智慧其目清明好諸根為寂定澹泊度无極光明照七尺金容神巍巍何故現欣笑唯願為分別知諸天人行心意所歸趣三世之清淨觀之所像類其慧常通達未曾有曇昇何故現欣笑月夜哀為說過世天中天將來之世尊

今現十方佛智慧暢无量修行悲清白療愈若干病一切靡不了願為分別說其身普周遍於此諸佛國言音悲暢達無數之刹土心向一切人常垂弘大慈寂勝氣為說數演斯笑意所在究練法寂然如月遊無喻如幻化自然若如夢所獲致得利常如雨泡起何故現欣笑無師子師子解空无有想起度額脫門諸法為自然了現究竟誼寂默常調定遊步如虛空願佛分別意今笑何感療孰為發妙心志願尊覺慧誰令力除魔應坐樹王下寂勝今日誰而為起擁護何故現欣笑大雄發遣說諸聲聞之衆不能蹈斯地一切之緣覺莫敢逮此道是諸佛境界其德如大海何感而欣笑世勝哀說之

佛告阿難介為寧見離垢威踊在虛空去地四丈九尺乎對曰已見天中天佛言離垢威力士菩薩過三百不可計會劫當速得无上正真為寂正覺弓力嚴淨王如來正真等正覺明行成為善逝世間解无上士道法御天人師為佛衆祐在于東方世界名

清淨劫名淨歎力嚴淨王如來清淨世界富樂熾盛人民安隱米穀平賤使樂難及諸天人播殖無數彼國人民被服飲食居止舍宅譬如第四兜率天上其佛說法無有奇特異種之說唯但宣暢菩薩薩藏其佛國土无有聲聞緣覺之名皆純菩薩速得法忍諸菩薩衆甚多無極其佛壽命无有限量其土無有八擾之難降伏衆魔抑制怨敵无有群邪諸外異道其佛世界地紺琉璃紫磨黃金分錯其間於是離垢威菩薩從虛空下稽首佛足歸命世尊從佛請求欲得出家今時鈎鑠菩薩前白佛言唯天中天恠未曾有如今大聖講說經典其有諸天在於虛空名德高妙皆詣如來適見如來尋時歡喜棄捐貢高自大之念稽首世尊投身自歸大聖乃能開化於此離垢威力士僑高自大來詣佛所速得大法當為無量不可思議衆生之類演說經法今除憍恣唯然世尊其離垢威菩薩大士為從幾佛如來至真等正覺殖衆德本乃能

華集東晉經卷中 第五十經 類

疾逮如是神通世尊告曰鈎鑠欲知其離垢威力士菩薩已曾得供養六十二億諸佛大聖殖衆德本建立無上正真之道當復奉事元數諸佛淨修梵行鈎鑠又問唯然世尊以何所殖無德之本而忘道意心懷憍慢自大之性來詣世尊欲有所試佛告鈎鑠有四事法為菩薩行而忘道意何謂四心懷憍慢不恭敬法輕易善師從後謗議是為四復有四法何謂四而復習樂聲聞之衆與同所歸志樂下度謗謗菩薩忘法師恩是為四復有四何謂四其行諛諛於法慢誕二事自活求於利養而著奉侍是為四復有四何謂四不覺魔事為罪所蓋纏綿蔽法志性怯弱鈎鑠是為四法菩薩忘失道意鈎鑠又聽離垢威用何等故為菩薩行而忘道意往古世時此賢劫中初始有佛号曰拘婁秦如來至真等正覺興出于世於彼世時有善財大勢貴姓極富梵志時有一子魔所惑立自發貢高不欲往詣於如來所長益法與沙門梵志諸長

華集東晉經卷中 第五十一經 類

者俱聞諱罵詈多所誹謗不肯受法亦不見法不得法師亦不恭敬承順其教當尔現世違失五法何謂五則離於佛不復相見不得聞法不復建立菩薩之業不復訪問所當行者而復忘失衆德之本無堅固意在於道心攝取不善尋時則離於道行心尔時尋離此五法行佛言鈎鑠欲知是時所名善財大勢貴姓梵志子乎豈是異人勿作斯觀所以者何則今離垢威菩薩是也於彼世時心懷自大尋則忘失所修道意久復將護宿命德本諸通慧心又有餘福不復誹謗於諸通慧故為力士而有大力承佛聖旨不為衆惡聞佛音聲便自發來自以已力欲比如來又聞世尊說菩薩力尋即棄捐貢高憍恣往古所殖衆善之本則現目前便逮法忍威神通慧无所想念尔時力士鈎鑠菩薩謂離垢威唯族姓子興發何法逮得法忍離垢威答曰發起一切凡夫之法又問云何而發答曰所發起者至後究竟永無所有亦非不異其所發

華集東晉經卷中 第五十二經 類

起常不復令有所依倚亦無所證鈎鑠又問族姓子凡夫之法及與佛法有何差別寧有若干乎即便答曰假号而名因有若干其誼无異又問唯族姓子其凡夫法以何解誼答曰無常亦无想念無顛倒誼又問族姓子所謂誼者何所歸趣答曰鈎鑠其達誼者亦不獨除凡夫之法亦不獲於佛道法又問族姓子何謂法誼答曰無有二誼為諸法誼又問不曰其正見者有二因緣從他聞若思惟厥行猶具又問鈎鑠如來不說但歸要誼之故誼則成要因此何緣要得誼乎不取美辭又問鈎鑠答曰教不但取要誼終不毀壞為菩薩美辭乎則无有失自損毀也假使有得美辭誼者彼所逮者亦无所獲其菩薩者不歸於要誼而說法誼以聰詰故其不逮得不用誼報一切諸法猶得自在為尊為長為無等倫所可分別限時消滅究竟滅度本末永寂則為相誼世尊所說以故鈎鑠其歸命誼則不御法亦无所念亦無御者不捨不御其

無所念則為堅要其要堅者彼乃謂
誼鈎鑠又問唯族姓子豈有方計其
歸要誼彼則歸要一切法乎答曰有
族姓子又問以何因緣答曰諸法无
本一切悉空諸法澹泊假使歸要於
空誼者要澹泊誼亦復如斯以是之
故族姓子其歸要誼則為道歸一切
諸法答曰族姓子佛不言曰了一切
諸法悉歸要御答曰如斯以是之故
一切諸法推究本誼根原所歸要者
其究竟誼是等之門則第一誼如云
何當求所如所也求如是行者設无
有法亦非法亦無所起亦无所滅諸
賢聖道無有二道亦无所作亦非不
作亦非无造如是則造菩薩之道道
無所造亦不求誼亦儀不錯亂離垢
威說是語時五百比丘八百天子遠
離塵垢得法眼淨離垢威菩薩謂鈎
鑠曰族姓子如來所說但歸要誼不
取美辭計此誼者無有二行究竟其
誼亦无所生是故如來說此誼耳但
歸要誼不取美辭其歸要誼并及美
辭本淨平等志性自然無所超越如

來故曰但歸要誼不取美辭
復次族姓子如來所以說此言者何
以二事故興於正見何等為二聽察
他音緣省思惟其不博聞於法律者
順以三昧在於終始墮于貢高類斯
之故世尊告曰聽省法律乃為博聞
多所勸助以聽經法悉以奉行淨於
所療至賢聖道又問云何比丘思惟
療行答曰以法療行亦無所行是為
思惟要事有療行族姓子是為療
行之所謂者復次族姓子假使菩薩
療行不發音聲不起吾我有所講說
諸行處者若說去者若說還者一切
皆亦无住亦無所得亦无過去亦無
當來亦不現在修此諸事是謂思惟
要者而以療行設見諸法一切自然
悉歸滅盡設受諸法思觀要淨假令
察見一切諸法本淨同像亦觀要淨
設見一切諸法諸法自然從本淨起
亦觀要淨設使觀見一切諸法本未
不生究竟無起究竟无滅亦觀要淨
設使觀見一切諸法本淨滅度亦觀
要淨亦不寂然亦無所觀是謂為觀

是所觀者亦無所觀亦无所見假使
无見無所觀者所見如是亦不見則
不名曰有所見也於是世尊讚離垢
威菩薩曰善哉善哉族姓子有所說
者當如仁說其思要淨為菩薩者法
不虛妄其思要淨為菩薩者法无陰
蓋其思要淨為菩薩者无有此法亦
無脫門其思要淨為菩薩者所行法
者亦无所除亦無所行亦无去來是
則等觀為正見也見一切法以平等
故亦不等如有有所見又問云何一
切諸法而平等如有有所見如无所見
又族姓子此諸法者亦無欣見亦无
不見本末平等亦无所生此之謂也
亦無所生亦无所有不越所見不入
寂然此謂平等亦不有亦無所有
亦非自然非不自然是謂平等是所
言者亦無所說行无所生亦無有見
亦无越度平等寂然斯謂等觀以能
入于平等故也又復重問何故名曰
平等入寂然乎答曰等於吾我亦等
非我一切諸法亦無形像亦无毀咤
是謂平等入于寂然於是鈎鑠菩薩

華嚴經疏卷中 第三十張 類

五

白佛言唯然世尊至未曾有正入寂然所由相者本淨滅度菩薩皆知如是諸法若復聞者乃能信解有所遊居亦不中半而取滅度佛告鈞鑠以故菩薩善權方便而以爲樂以權方便修具足行發一切心歸於遊處四法何等四行大慈無極哀爲諸通慧不斷佛教是爲四假使能奉宣修此法則入寂然所趣之相一切本淨志爲滅度以至寂寞諸法之行這聞此已則便信樂所可遊居亦不中半而取滅度是故分別諸法之原彼則寂寞亦无滯泊亦不墮落所以者何不欲棄捨一切衆生難垢威菩薩白佛言何所菩薩純淑如佛所言不墮寂滅世尊告曰族姓子假使菩薩无有諸見亦無想念是爲純淑於諸聲聞一切衆生不修平等離佛法教亦不勸樂大乘之行疑諸通慧難於无願亦不滅度入於寂滅則於其中證菩薩心志在聲聞緣覺而入滅度又族姓子菩薩若能入於寂然相者皆能分別一切諸法有所興發悉爲一切

華嚴經疏卷中 第三十張 類

五

順佛法衆遊修大乘爲諸通慧之所與居慰傷一切群萌之類普見一切與志願俱未曾斷絕他人所僥以是之故族姓子當作斯觀計於菩薩而皆純淑遊於寂然難垢威白佛言未曾有世尊菩薩所行而有美特悲非聲聞緣覺之地所能及也於是鈞鑠菩薩白佛言今此薄首童真者在是會中靜然而坐亦不講說於此三昧世尊尋見文殊師利心之所念以心請觀薄首童真薄首童真謂鈞鑠菩薩菩薩所行不以功德遵修佛道不以利養不以生天不以財業不以名聞榮歎德稱宣暢其績不以衣食牀卧病瘦醫藥生活之業不以國王大臣賞賜故鈞鑠又問薄首菩薩以何等故行菩薩道薄首答曰爲衆生故如慈傷之故以法之誼開化群衆志大乘故除於虛妄諸勤勞患生寂然故已忍勞苦欲安衆生令得所願无所狐疑無怖望故則无所著亦無所倚亦无所受亦不專處亦不究竟有善哉亦不吾我无有斯念亦不

華嚴經疏卷中 第三十張 類

五

轉亦不還及設使諸法無所動轉亦不肅震无有將往無所危害无有歡喜亦不愁戚已獨勇猛无能勝者無能伏者莫能踰者亦不憔悴无所畏難不恐不懼不卒不暴無有自大亦无心意常處寂寞常住无念同誼一乘一教同像常作等行悲欲救度衆生之故薄首言族姓子菩薩所行如斯比類是故造行鈞鑠又問薄首何所施造爲菩薩行薄首答曰設族姓子其爲菩薩不行於盡亦无所起亦無不起究竟諸盡盡所當盡不念諸本末無起亦无所生亦無聰明造行如是爲菩薩行乃應道行復次鈞鑠菩薩大士不行盡過去意於當來意無所起行於現在意而無所住亦无所行心亦不著去來今也遵修如是爲菩薩行乃應道行復次鈞鑠布施道心衆生如來則無有二持戒忍辱精進一心智慧道及衆生至于如來則無有二假使菩薩常遵此六度無極有所行者所行之相不憂終始遵修如此爲菩薩行乃應道行

癸卯歲高麗國大藏都監奉
勅彫造

等集衆德三昧經卷下

西晉三藏法師譯

新

復次鈎鐔菩薩所遵不行色空色者
自空亦不空痛痒思想生死識行識
自然空亦不教人行色為空色者則
空本末盡無則曰自然痛痒思想生
死識則亦為空若欲盡者本末盡空
故曰識空亦曰自然若已盡者一切
諸法亦當復盡若諸法盡色亦當盡
痛痒思想生死識識以便盡假使一
切諸色盡者一切諸法亦當復盡假
使諸法盡者識亦當盡假使菩薩遵
修如是為菩薩行則應道行復次鈎
鐔菩薩菩薩所行亦不斷除凡夫法
行至於佛法亦不殷勤度生死行也
亦不具足於滅度事亦不覩見不善
法興亦不觀察於諸善法之所由來
不以惠故亦不見識不用識故而見
於慧亦不破壞諸法界行有所信喜
至於解脫也假使菩薩遵修如是為
菩薩行則應道行復次族姓子菩薩
大士若造行者法界无量人界無限

而悲信解法界无限慧界人界悲盡
所行法界人界則無有二不以法界
而有所損亦元有盡想亦如是人界
亦然人界有相法界無相及與人界
如此相者則元有相其無有相觀一
切法悲無有相不盡人界行无所畏
益從無要思想而興起發也顛倒之
事詐詐化惑相覆其中其所行者不
除欲塵不慕所生亦不名聞亦不計
常亦无所壞亦不滅除我人壽命假
使菩薩遵修如是為菩薩行則應道
行說是菩薩所行者品時百千天子
逮得法忍今時離垢威菩薩即尋啓
受舉大音聲而歎頌言使一切人羣
萌之類所願皆得普獲利誼如佛世
尊悲今信樂此三昧定
今時魔王波旬謂薄首童真曰我為
堪任歎菩薩道如菩薩行乎薄首答
曰可行也時魔言曰一切人行則菩
薩行諸聲聞緣覺行則菩薩行下一
切居家所習陰捨之行則菩薩行一
切魔行則菩薩行所以者何菩薩皆
當同處其中一切悲學是菩薩學鈎

鑠菩薩往詣魔所而謂之曰云何苦

華集經卷下 第四經

三

薩而悉普學魔答曰八万四千種衆生之行二万一千則屬貪欲行二万一千屬瞋怒行二万一千屬愚癡行二万一千屬等分行是等之類皆悉遍入菩薩之行是故鈎鑠行貪欲行而離於欲行瞋怒行而離於怒行愚癡行而離於癡行等分行而離等分適无所著又族姓子若有菩薩普遠一切衆生之行則能遍察群萌之行開化一切黎庶之類若有菩薩所修如是為菩薩行則應道行又問魔曰何謂一切魔行為菩薩行答曰菩薩皆當入諸魔心之所行故也不以起為起不隨魔事之所教也覺了魔行化衆生行觀其所行不修彼行獨於魔衆而示現不行魔行又當修學魔之治化雖在魔中而无魔事又問魔曰何謂一切聲聞緣覺行為菩薩行答曰族姓子假使菩薩為諸聲聞緣覺講說經法具足所願在於彼行遵崇長益精進之行當求斯惠不用彼棄而取滅度也復次族姓子一切

諸行皆自然行為泊澹行菩薩

華集經卷下 第四經

五

所當信樂行者其行已過一切所行如審諦行一切諸行无所住一切諸行悉無為行亦无合會無所起行无所住行菩薩當崇如是之行魔王又問薄首仁可垂恩重復說此諸所行乎薄首答曰辯才堪任皆度一切所有境界為菩薩行所以者何其彼行者不與眼界而俱合也不與色界而合會也不與耳聲鼻舌身更意法意界而俱合也是故魔當作斯觀假使能度諸境界者号曰正士復次天子菩薩設能如是行者不為斯惑諸佛世尊如是行為菩薩行則應道行又問何謂薄首菩薩所行而不欺惑諸佛世尊及一切法薄首菩薩答曰如來所說誠諦解諸法空一切悉无逮取正覺假使菩薩依倚見身及諸佛法并見泥洹則為欺惑諸如來也天子欲知如來行者於一切法而無想著乃逮正覺假使菩薩於一切法有所想求與想遊居則為欺惑於如來也天子如來審實

諦無所從出亦无所生亦無所起亦

華集經卷下 第五經

六

无所有亦無所倚亦无有相來無所來亦无所住本性清淨本性明達本淨滅度猶如虛空無有形貌解一切法亦悉如是乃逮正覺假使菩薩在於諸法有往有來有入有出若所起忽然現者出於所有依因於相若有往返若有所立无有清淨若有塵勞終始周旋獲色所有而為放逸有所思念即為欺惑如來假使天子若有菩薩等御解空了一切法皆於諸見而无思想等御所行解一切法悉除諸想等御无願分別諸法度於三界等御如空解一切法不著本淨遵修如是為菩薩者不為欺惑諸佛世尊於時大聖讚薄首曰善哉善哉童真如是行者為菩薩行若有菩薩所行如是疾得受成佛言薄首吾憶往古錠光佛時已身勸助行清白法所行無行亦不寂滅得受成也所以者何處一切行名曰所現光這觀斯已何為想行時有色莫若而志利義適從錠光如來大聖受成則了本淨即時

普解一切諸法悉无所起然後銳光
 如來所見受决仁於來世當得作佛
 号曰能仁如來至真等正覺明行成
 為善逝世間解无上士道法御天人
 師為佛眾祐於彼世時尋逮得不起
 法忍以是之故導首若有菩薩欲疾
 逮得不起法忍當修此行救諸退轉
 心無所著不以利業精進行法无所
 脫度无所度無所度乃得解脫導首
 又問佛言唯然世尊得法忍時為何
 所逮世尊告曰不得於色乃逮法忍
 痛痒思想生死識亦無所得乃逮法
 忍不得陰種諸入乃逮法忍不得計
 常空淨安隱及與我身乃逮法忍又
 復永觀不得一切諸法乃逮法忍佛
 言導首諸法悉盡故曰為无所得導
 首法忍無逮亦无所得隨習俗行故
 名曰得非凡夫法亦非學法非不學
 法非緣覺法非菩薩法亦非佛法有
 所行也於一切法都无所行故名曰盡
 逮得法忍一切諸法亦不可得是故
 曰盡逮得法忍假使法忍空无所有
 於一切想諸所行者而无所畏故曰

盡索逮得法忍彼無有眼亦无眼識
 無有耳亦无耳識無有鼻亦无鼻識
 無有舌亦无舌識无有身亦无身識
 无有意亦无意識諸畏无盡則曰法
 忍無為界則謂法忍无有意界乃謂
 法忍皆悉盡索乃得法忍說是法忍
 諸法盡索時五百菩薩得不起法忍
 同音舉聲自佛言唯然世尊我等當
 具等集眾德三昧亦當普備於一切
 法逮无所起是深妙法諸菩薩學所
 當承順若有聞者當歡喜信受持讀
 誦如法奉行於是鈞錄菩薩謂導首
 曰有所言曰所作已辦眾事成就菩
 薩當以幾法所作眾事究竟成就導
 首答曰族姓子若有菩薩知一切法
 而无所作如是菩薩所作已辦究竟
 成就一切諸法悉無所有亦无所行
 曉了諸法能如斯者所作已辦究竟
 成就亦不有智亦无有二所作已辦
 究竟成就亦不離作亦非不作亦無
 不作所作已辦究竟成就有所者有
 宣揚所作已辦究竟成就若得恩者
 報所得恩所作已辦究竟成就遭元

反復加以反復所作已辦究竟成就
 當供養者為之謙卑自屈施禮所作
 已辦究竟成就知反復者若離反復
 者若能辦事離不辦事所作已辦究
 竟成就若輕易者而見忽損稽首為
 礼所作已辦究竟成就有所作者不
 得所作法之所行有所遭觀不得所
 過所作已辦究竟成就若布施者勸
 使入道所作已辦究竟成就亦不得
 施亦不得道亦不得我亦不得人亦
 不得他所作已辦究竟成就護禁
 戒忍辱精進一心智慧亦无所護勒
 使趣道所作已辦究竟成就若有施
 與持戒忍辱精進一心智慧勸使入
 道所作已辦究竟成就非智非愚无
 我無他亦无所得所作已辦究竟成
 就身行口言意念奉行眾善分別此
 事若身口意所行眾善亦無所得亦
 无所者是則名曰所作已辦究竟成
 就今時常堅精進菩薩謂導首曰我為
 應往說菩薩所作已辦究竟成就乎
 導首答曰堪任族姓子自導首曰若
 勸一人令聞道音所作已辦菩薩

菩薩藏經卷下 第九經

藏應時自恣若令得佛音法音聖眾之音則當察之所作已辦若化一人使受戒禁使歸命佛及法聖眾志在三寶所作已辦具足菩薩薩藏供養若所遊居若有施者若有受者勸助志道此二事者則是菩薩清淨眾祐若有施者及有受者已斯法行而勸化之此二事者悉是菩薩清淨眾祐假使菩薩思惟念佛若復思念經法聖眾菩薩眾生所作已辦菩薩薩藏而受供養假使菩薩修行慈心悲喜護心若值一人下劣貧匱盜賊屠魁罵詈衝口而能忍之不以瞋怒續行慈心歡悅之意以待其人欲益利誼益加精進所作已辦若獲百利若千利若百千利億百千利若以珍寶滿閭浮提得斯利者未曾以寶而發兩舌又復諮啓問他人慧寧失身命不從其後而說惡也不忘於法不承非法觀此菩薩所作已具究竟成就復次導首假使菩薩七日斷供而不得食若復有人受飲食者其人則近諸通慧心不為虛妄又欲度脫一切眾生

菩薩藏經卷下 第十經

欲念救濟群萌之類觀此菩薩所作究竟假使天下普遍滿水周匝其地當越度此行求聽法若遍滿火亦當越度行求聞法亦不惜身亦不貪命亦不受壽而造斯觀陰種種入易易得耳諸佛世尊難得值遇經法難聞恭恪於法亦復難遭若入此數觀斯菩薩究竟成就復次菩薩若聞四句之頌歡喜踊躍不願言祚為轉輪聖王寧以四句頌令人得聞照怡豫悅不樂帝釋位寧立眾施誘化猶犬禽獸龍神不生梵天欣樂諸通慧心不貪三千世界之七寶喜踊願志殖一德本不徧一切眾生供養之利菩薩所行修如斯者當觀菩薩成就究竟常堅精進菩薩復謂導首有菩薩常堅精進常求博聞心當念此假使有人分段即解其身者當發歡喜以自勸勉是皆俗法之所致也再志修行念於佛道寧失軀命終不犯戒不捨大乘不為愚心不與邪力致忍辱力口言不應患能堪任終不懈怠修精勤行嚴淨佛土而救眾生不為

菩薩藏經卷下 第十一經

法普求一切諸度无極不求伴黨不望眾生堅住智慧不斷佛教志性強猛一切所作無不成辦其意仁和棄捐嬾惰无所貪慕不惜身命曉練便宜不久立者令得自歸奉戒清淨先人問訊語言柔軟辭不綺飾若如地離於所求无所求無所結倚性行純善所答安隱所說常快敬受善諱棄除貢高常遜卑意所言至誠无有忿訟所說如實无有譏諛言行相應尊尚等心愍於眾生常有慈心向諸群萌志於大哀為黎庶故无有瑕疵建立一切眾德之本而懷欣豫一切所有施而不惜當以行護救濟所欲及得財業當行安隱放捨一切諸所貪愛無有我有所倚所有終不自大蠲除三垢志求解脫離於想念所思所著不墮諸見元六十二當行博聞具足七財心常強勇所聞曉解未曾有厭當學智慧有所建立住於勇猛降伏塵勞離於欲垢療治一切眾生之病常為眾祐未曾捨離諸通慧心成就福田令諸眾生悉得蒙恩行如道

花於諸世俗而元所著猶如船師度諸群生四病之患志如王路不得輕慢貴賤中間之人當如泉源川流江河所說經典而不可盡行如大海所聞智慧苞无崖底無量之德之所積聚性如須弥起現于世峻極而高常樂精進志性慷慨心不怯劣心如門相志願堅固意如鶴毛調和其性當行專心濟導衆生修於自在勸助其意志存奇雅微妙解脫行如天帝懷來衆生導如梵天分別權宜清淨之行於一切法而得自在常當行慈究竟滅度行如終沒若有觸犯作與不作恚能忍辱心如嚴父所受至重志如伴黨作諸德本而无所著意無所倚於諸境界行無危害而修慈仁所在吉祥於所生也為布施士謂法施也斷除一切諸不善法奉行一切衆善之法遵無放逸除於自恣憍慢之事學戒精進所行堅強為无放逸修菩薩行乃能致得無上正真之道為最正覺於時世尊讚常堅精進菩薩曰善哉善哉族姓子說菩薩行使乃

如是建立衆德若有菩薩設欲速得等集衆德三昧普當分別一切功德離諸罪璽

尔時鈞鐸菩薩前白佛言若有菩薩速得於是等集衆德三昧功德應比類若何佛告鈞鐸今此等集衆德三昧菩薩大士獲此定者則能遠離惡趣之地無有八擾厄難之虞除斷窮害供饒豐茂自然富樂諸根具足便能成就三十二大士之相法元窮盡速得辯才獲于持持常不失意於一切福得自在成轉輪王无所倚尋為諸群黎之所奉事為天帝釋所見咨嗟梵天稽首而為作礼逮獲神通靡不明達得其本願自在所生行權方便進退智慧不隨禪教遵修智慧離一切見極尊特貴聲聞緣覺所不能及離諸恐畏聲聞緣覺智慧分別諸根曉了衆生本末娛樂諸見志于一心脫門之事住无憂所常順所施建立于戒護三清淨分別忍辱竟無有形離諂偽想誨說精進志无懈倦解說禪定常度寂然敷演智慧目常

親見而悲分別目无所著而常棄捐除於六恆未曾違遠常見諸佛好樂聽法奉事聖衆殷勤修行不離於空元想無願所聞經典歌頌一切諸佛功德慈受佛誨即以諮受善為衆生分別說之在兜率天未曾捨離不退轉法若欲遊行一切佛土無有罣碍見諸佛降伏魔怨无有四魔見深法忍屢不退轉法速明神通在於道業法靡不博懷來寂然清白觀見所行具足佛法現不退轉行之所趣除一切著所可罣碍見吾我色猶如幻現觀容悉見一切身復無能勝者謂諸異道受護正法諸佛尊典不惜身命其行殷勤持御正誼現佛境界常元永絕雖已泥洹而不滅度得無所畏遊在衆會而無恐難聰明歡達隨其所作而善調除去於一切貢高自大修大莊嚴以幻三昧有所感動若放光明而悉覆蔽日月星明火電得堅強力身如鈞鐸行如金剛皆度一切諸惡所乏普道場淨遊无量佛土普聞其聲佛所建立身口意淨降伏魔

兵神足變化度於无極震動一切諸
等集衆經卷下 第十一疏 類
佛國土得聰明慧分別法誼之所歸
趣辯才具足慧無量尋為諸衆生導
行精進興顯佛事而无放逸於諸通
慧現佛境界如是鈎鑠若有菩薩逮
得於斯等集衆德三昧是諸菩薩瑞
應因緣像衆德名聞之事巍巍如
是鈎鑠白佛皆令一切衆生之類俱
共逮此等集衆德三昧所以者何唯
然世尊若有逮得於此定者衆德名
聞堂堂乃余聲聞緣覺所不能及假
使有人聞此三昧而不信者則當知
為魔所燒固佛言如是如是鈎鑠誠
如所云假使有人信是三昧名德之
勲不可思議為佛所護於是鈎鑠又
問薄首曰若有菩薩意欲逮得等集
衆德三昧當行何法薄首答曰若有
菩薩意欲逮得等集衆德三昧未曾
毀壞凡夫之法當修斯行所造行者
於佛道法亦无所得若欲行者當作
此行無法无見亦無所憂
復次鈎鑠若有菩薩欲得斯定誓歎
終始不為生死之所沾汙得於无為

不於聲聞緣覺之乘而取滅度也復
等集衆經卷下 第十一疏 類
次鈎鑠菩薩欲得斯定意者具足衆
德當學所學之禁戒也亦不想念有
漏之福無漏之德无罪不罪不有不
元不着不捨不去不來世不度世未
曾懷念如此諸想等御法界信樂衆
德有福元福有常無常有念无念不
入終始所著之相為一切人遊入衆
德不為一人處遊福祐以一人德普
入衆生之所有福若漏無漏不復分
別不以此教一切佛德則一佛德當
作斯念所可教化說諸佛法无有差
特當信知此其所學福無所學福若緣
覺福若菩薩福若如來福此則元常
亦無形貌色像也當喜信樂一切諸
德福之所湊辟如鈎鑠諸有形色皆
有四大亦復如是諸菩薩法皆度衆
生至于脫門奉行等福當所為者所
興盛者無常盡法
復次鈎鑠若有菩薩欲得此定意於
四元量不懷恐懼何等四人界無量
佛土无限佛慧無邊衆生之行元有
邵是為回復次鈎鑠若有菩薩欲得

此定常當勤助四不可思議何等四罪
等集衆經卷下 第七疏 類
福報應不可思議衆生之行不可思
議而所趣路無有差特諸菩薩慧不可
思議神足力勢脫門諸菩薩之所歸
趣不可思議所生清淨是為四是故
鈎鑠若有菩薩於此三昧見無盡當
行四法何等四於斯建立菩薩之福
住不可盡具足衆行亦不可盡元尋
辯才亦不可盡智慧所達亦不可盡
是為四復有四事何等四勤精於法
積衆德本而無厭極當念勤行入聞
无厭而說經典當念勤行勸助無邊
衆善之德觀諸佛土所見莊嚴以入
已土而成清淨是為四
鈎鑠菩薩謂薄首辟如琉璃明月珠
寶所著器中若在金器銀器水精器
車乘器則以琉璃明月珠寶器威德
之故不失自然如是薄首若有菩薩
住是三昧若在居家若復出家住在
沙門計於法界自然之行无二脫門
又薄首菩薩何行有所遵修不失三
昧有所逮得德慧無盡薄首答曰鈎
鑠欲知菩薩當行四事何謂四不惜

身壽命不求一切供養之利行空元想無願不志聲聞緣覺之乘欲得佛慧思惟其行於諸通慧放捨所思所想可應不應一切衆生等入行度我人壽命亦不可得是為四鈎鐐又問薄首此三昧者然後起趣何所菩薩若取經卷著在身懷若與忍辱設使居家若出家學因緣學行乎薄首鈎鐐日後若有得此三昧者假使有人逮聞其名則非居家出家因緣所以者何是故鈎鐐若有菩薩住三昧則離二想在遊行其壽智慧不可盡極無所忘失開化衆生不以為厭不自示現菩薩形類又在所奏一切元邊亦無因緣辟如鈎鐐日月所遊一切元邊菩薩如是觀無倚行若在家地隨家依倚亦不出家為出家行亦復不著出家之德於斯二事亦无所慕所以者何菩薩所出悲無所著辟如鈎鐐元所得者乃成正覺於此菩薩有四事行何等四為尊為上而為取勝棄除一切諸所見事及入一切諸佛之法是為四鈎鐐又問薄首

云何菩薩處於遊居薄首答曰菩薩有四事行何等四慈悲喜護是為四其有奉行是四梵行吾乃謂斯為遊居復有四何等四若復遊處聚落舍室則處遊居假使復在於閤居行若在於棚閣重屋作行則亦處於遊居是為四薄首復謂鈎鐐曰其不奉修此四梵行而自念言我處遊居其人則為斯諸天人所以者何諸佛世尊說四梵行乃謂遊居其四梵行則處其頂是清淨行而處遊居在於國土受分衛食威神在頂是故鈎鐐其有不見四梵行者則為遠離四等心行若復有修梵淨行皆悲因從四梵行起得賢聖慧不為世間自見身也貢高自大不除人想鈎鐐又問薄首云何菩薩奉慈心行何謂悲何謂喜何謂護薄首答曰則以幻事救護一切衆生之類則為行慈而以幻事度脫衆生則為行悲若以幻事安隱群萌則為行喜說以幻事今諸黎庶遠得滅度則為行護復次鈎鐐信解衆生界空則為行慈信解法界衆生之界元

作非不作則為行悲信解了知諸群萌界無著元脫則為行喜信解了知黎庶之界來無所來則為行護復次鈎鐐一切衆生元有吾我亦不恐怖則為行慈一切衆生悲為澹泊亦不畏懼則為行悲一切諸法法界平等亦不懷懼則為行喜信解分別一切佛土無盡之國則為行護復次鈎鐐元危害相則謂為慈無等倫相則謂為悲元有二相則謂為喜無有名元所著相則謂為護復次鈎鐐元所住慈不為大慈無所住悲不為大悲彼何謂不為大慈猶如聲聞發是念言今諸衆生皆獲安隱是聲聞慈不為大慈何謂大慈假使等心於群萌類而皆度脫衆生之患是為大慈彼何謂悲不為大悲黎庶之類生在五趣悲傷哀之於生死中而欲拔濟是謂為悲不為大悲何謂大慈見於五趣生死蒸庶所生之慶而行慈哀自捨身安救護五趣便能濟拔衆生之界尋時建立於平等道是謂大悲是故鈎鐐當作斯觀聲聞有慈不為大慈

華嚴經疏卷下 第三疏 攝

亦復有悲不為大悲是故鈎鐐若有菩薩當具足行大慈大悲薄首說是語時八千人皆發无上正真道意俱共歎言唯然世尊我等亦當奉修此行如今向者薄首所說百千天人逮得是三昧八千菩薩得不起法忍於是鈎鐐菩薩白佛言如來願說百福之相作何功德而佛世尊成斯相乎時佛告曰譬如鈎鐐江河沙等諸佛世界悉共合集滿中衆生功德具足為轉輪王一身之德是諸衆生所有功德皆如轉輪聖王悉共同合為天帝釋一身之福復有別異江河沙等諸佛世界一切衆生使其福德具足成就如天帝釋悉復合集此衆生福如帝釋福亦乃及於一梵天福復有別異江河沙等諸佛世界衆生之類其福各各譬如梵天悉備具足是諸衆生其福各各等如梵天合集此福以為成一聲聞之福復有別異江河沙等諸佛世界衆生之類各各功德如聲聞者悉合此福令具足備亦乃合為一緣覺福復有別異江河沙等

華嚴經疏卷下 第三疏 攝

諸佛世界一切衆生其福如緣覺者悉備具足亦乃合為一菩薩福菩薩之福則過於彼不可稱限假使逮得等集衆德三昧定者正使三千大千世界滿中衆生悉令逮得等集衆德三昧定者合集於此衆生三昧之德以為一無量尋祠元瑕之慧無想者慧是故鈎鐐如是比慧所可祠祀皆悉合集而為法祠撰合斯福乃為如來一大人相如是比類三十二相各各若茲乃成如來具足身相一切衆生不能思議是故名曰不可思議如來之身百福之相佛說此百福功德大人相時三千大千世界六反震動其大光明普照世界而雨天花百千伎樂不鼓自鳴諸天世人恠未曾有踊躍欣喜各各叉手為佛作礼舉聲而歎俱白佛言若族姓女其發无上正真道意為得善利無極之慶乃當逮得如是之比百福之相悉具足備則為超過釋梵四王一切聲聞及諸緣覺唯然世尊其有聞此等集衆德三昧使我使我為得菩薩利若得聞

華嚴經疏卷下 第三疏 攝

名其德難及何況其人聞信樂奉行假使有人持是三昧所遊之慶則為擁護其土衆生今此經典所遊之慶計其土地佛所建立假使世尊江河沙等諸佛世界滿其中大當入中過求聞是法聞是經者則歸大安世尊告曰如是如是天子誠如所云假使有人聞是三昧而不信樂不能聞受為魔所固其有菩薩不得逮聞是三昧者亦不受持諷誦說者吾不名之為聞多智天子白佛唯佛世尊如來聖旨建立此法令於後世遍得宣布今時世尊放眉間相及鬘相光其光普照無量无边諸佛世界尋其光明自然出聲而歎頌曰如來已為建立斯法

今時世尊告賢者阿難今吾不久當般泥洹餘有三月佛語阿難已為勸助吾囑累汝於此經典汝當受持為諸衆會廣分別說若有人及菩薩學持三昧則為其人佛不滅度法不滅盡所以者何其有阿難受行其法則為見佛若為衆會講論說者此為護

